



Inatsisartunut ilaasortaq Kuno Fencker, Siumut
inatsisartut@ina.alla.gl

**Aqqusinikkut angallannermut inatsisip aamma pigisanut nalilinnut inatsisip
tiguneqarnissaat pillugu § 37 naapertorlugu apeqquteqaammut 2025-140-mut
akissut**

Dato: 02-09-2025
Sagsnr.: 2025 - 17307
ID. nr.: 99275087

Asasara Kuno Fencker

Inatsisartut suleriaasianni § 37 naapertorlugu aqqusinikkut angallannermut inatsisip
aamma pigisanut nalilinnut inatsisip tiguneqarnissaat pillugu Naalakkersuisunut
apeqquteqaateqarputit. Apeqqutitit uannit akineqartussatut innersuunneqarput.
Apeqqutitit matuma kinguliani ataasiakkaarlugit allanneqarput, akissummillu
malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqquteqaativit akineqarnissaanut pigisanut nalilinnut inatsimmut tunngatillugu
Inuussutissarsiornermut, Nukissiutitut, Aatsitassanut, Inatsisit Atuutsinneqarnerannut
Naligiissitaanermullu Naalakkersuisoqarfik apeqquteqaatinni nassuiaateqartinneqarpoq.

**Apeqqut 1: Naalakkersuisut siusinnerusuklut suliaq normumi 2024/12776
ilisimatitsissutigaat aqqusinikkut angallannermut oqartussaaffiup
tiguneqarnissaanut Transportministeriap nalunaarusiaa 3. kvartal 2024-mi
naammassineqareersimassasoq, pigisanullu nalilinnut inatsisip
tiguneqarnissaanut nalunaarusiaq august 2024-mi piareersimassasoq. Taakku
marluk piffissamut killigititaasoq qangereersimavaat, nalunaarusiammi
Inatsisartunit suli tiguneqanngimmata, aalajangiiffigisassatummi siunnersuummi
UKA2022/60 19. august 2022-meersoq. Aqqusinikkut angallannermut pigisanullu
nalilinnut tunngatillugu Naalakkersuisut nalunaarusianik naammasseriikkanik
tigusaqareerpat?**

Akissut: Assartuussinermut Ministereqarfiup aqqusinikkut angallannermut inatsisip
Attartuussinermi Ministereqarfiup tiguneqarnissaanut piumasaqaatit pillugit nassuiaat
danskisooq nassiuppaa. Nassuiaatip kalaallisooraa utaqqineqarpoq. Taanna
tiguneqareerpat, nassuiaatip Inatsisartut ukiakkut ataatsimiinneranni
agguanneqarnissaa pillugu Naalakkersuisunut aalajangiiffigisassanngorlugu
saqqummiunneqassaaq.

Pigisanut nalilinnut inatsimmut tunngatillugu Inuussutissarsiornermut, Nukissiutitut,
Aatsitassanut, Inatsisit Atuutsinneqarnerannut Naligiissitaanermullu
Naalakkersuisoqarfik imaattumik paasissutissiivoq:

*"Pigisanut nalilinnut inatsit pillugu nassuiaatip suliarineqarnera suli naammassinngilaq,
taamaattumillu suli Naalakkersuisunit sammineqarsimanani. Inuussutissarsiornermut,
Nukissiutitut, Aatsitassanut, Inatsisit Atuutsinneqarnerannut Naligiissitaanermullu*

Naalakkersuisoqarfiup 2024-mi aggustimili nassuiaatip danskisoortaanut missingiut piareeqqatippaa. Pigisanut nalilinnut nassuiaammut missingiummi arlalitsigut misissueqqissaarneq tamanut ammasumik saqqummiunneqanngitsoq, UKA2018-imi "Suliassa qarfinnik tigusinissaq pillugu nassuiaat"-mik qulequtserlugu Inatsisartunut agguaanneqartoq innersuussutigineqarpoq. Naalakkersuisoqarfiup maannamut pigisanut nalilinnut inatsimmut nassuiaatip agguaanneqarsinnaalernissaa sioqqullugu "Suliassa qarfinnik tigusinissaq pillugu nassuiaat"-ip tamanut ammasumik saqqummiuteqqarneqarnissaa pisariaqartutut isigaa. "Suliassa qarfinnik tigusinissaq pillugu nassuiaat", suli tamanut ammasumik saqqummiunneqanngitsoq pillugu suliassat ingerlaqqinnissaat Naalakkersuisut Siulittaasuata Naalakkersuisoqarfimmi inissisimapput, tassanngaanniit nassuiaammi alloriarneq tulleg suussanersog inissinneqartussaammat. Kisiannili Inuussutissarsiornermut, Nukissiutinut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik aalajangerpoq, suliap ingerlanissaa, matuma siuliani taaneqartoq utaqqiinnarniarnagu, taamaattumillu nassuiaat Naalakkersuisunut, kiisalu Inatsisartunut nassiunneqannginnerani iluarsaanneqarnissaa pisariaqarpoq."

Apeqqut 2: Taakku nalunaarusiat marluk Inatsisartunut tunniunneqarnissaannut ulloq suna eqqortuua?

Akissut: Aqqusinertigut angallannermut inatsimmut tunngatillugu apeqqut 1-imut akissut innersuussutigineqarpoq.

Pigisanut nalilinnut inatsimmut tunngatillugu Inuussutissarsiornermut, Nukissiutinut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik imaattumik paasissutissiivoq:

"Inuussutissarsiornermut, Nukissiutinut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfiup missingiut pigineqartoq iluarsaattussaammagu nutsertittussaallugulu, pigisanut nalilinnut inatsit pillugu nassuiaatip naammassineqarnissaanut ulloq eqqortoq maannarpiaq ilisimatitsissutigineqarsinnaanngilaq."

Apeqqut 3. Suut alloriarnerit tigussaasut Naalakkersuisuniit alloriarfigineqarniarpat suliap ingerlanissaanut kinguarsaaqqinnissat pinngitsoortinniarlugit?

Akissut: Allaffeqarfigma Assartuussinermit Ministereqarfik aqqusinerni angallannermik tigusinissamut piumasaqaatit pillugit nassuiaatip suliarineqarnissaata salliutinneqarnissaa pillugu ingerlaavartumik qinnuteqarfigisarpaa.

Pigisanut nalilinnut inatsimmut tunngatillugu Inuussutissarsiornermut, Nukissiutinut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik imaattumik paasissutissiivoq:

"Suliap ingerlanera kinguaattoorfigineqanngilaq, aalajangiiffigisassatut siunnersuut qinersinissap suaarutigineqarnerata kingorna ilaajunnaarmat. Kisiannili Naalakkersuisuniit aalajangiiffigisassatut siunnersuut soqutiginaateqartinneqarmat, siunnersuutip suliarineqarnerata ingerlaqqinnissaa aalajangiunneqarpoq. Missingiut pigineqartoq iluarsaanneqassaaq, tamatumalu kingorna Naalakkersuisunut nassiunneqareeruni Inatsisartunut nassiunneqassaaq."

4. Akisussaaffiit taakku marluk tigunissaannut aningaasatigut allaffissornikkullu kingunerisassai naliliinerni ilaareerpat, aalajangiiffigisassatut siunnersuummi tunngavilersuutaasoq malillugu, taamaanngippallu – qaqugu taakku nammassineqarnissaat naatsorsuutigineqarpa?

Akissut: Assartuussinermut Ministereqarfiup nassuiaataani Ministereqarfiup, Aqqusinerni Angallannermut Aqutsisoqarfiup, Kalaallit Nunaanni Politiit aamma Akileraartarnermut Aqutsisoqarfiup maannarpiaq ukioq kaajallallugu atorfinnik uuttuineq tunngavigalugu atuineri nassuiarneqarput.


Tamanna tunngavigalugu suliaasaqarfiup tiguneqarnissaanut najoqqutassiassanut periarfissanut nassuiaatip suliarineqarnissaa pilersaarutigineqarpoq, tassanilu Nunap Karsiata aningaasaqarnikkut allaffissornikkullu naliliineri ilaatinneqassapput. Nassuiaasiornissaq sulii pilersaarusiormiimmat, naammassinissaanut piffissamut sinaakkusiussassaq sulii ilisimaneqanngilaq, taamaattumillu ilisimatitsissutigineqarsinnaanani.

Pigisanut nalilinnut inatsimmut tunngatillugu Inuussutissarsiornermut, Nukissiutinut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik imaattumik paasissutissiivoq:

"Pigisanut nalilinnut inatsisip tiguneqarnerata kingunerisassaanik naliliinerit pigisanut nalilinnut inatsit pillugu nassuiaammik ilaatinneqassapput, taakkulu pigisanut nalilinnut nassuiaatip Inatsisartunut nassiunneqarnerani naammassisimasussatut naatsorsuutigineqarput."

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluq B. Egede